

## Գ Լ Ո Ւ Խ Ի Ը .

Ժողով 'ի Ս . Յարութիւն և քննութիւն տեղեացն Հայոց : Յամառութիւն Դատաւորին : Ընդգլխմութիւն Յունաց : Ոստիկանի Կուսակալին մեկնկին : Ժողով 'ի Դատարանի : Գիր Կուսակալին : Դարձ Ոստիկանին 'ի Դամասկոսէ : Ժողով 'ի Դատարանի լի խառնութեամբ :

**Ժ**ՈՂՈՎԵՑԱՆ դարձեալ 'ի Ս . Յարութիւն ('ի 24 Մաշխի) եւ քննեցան մնացեալ տեղիքն Հայոց և արձանագրեցան, և Դատաւորն նստէր յեկեղեցին Յունաց իւրովքն հանդերձ : Եւ իբրեւ մատեան 'ի քննութիւն սեղանին Հայոց և սենեկին, Յովսէփայ Արեմաթացոյ կոչեցելոյ՝ բարկացեալ Յունաց աղաղակ բարձին առ Դատաւորն . եւ նա սրտմտեալ գոչէր և յանգիմանէր զնուրի Էֆէնտի իբր հակառակող հրովարտակին . և իբրեւ չանսաց նա բանից նորա, առաւել զսյրացեալ աղաղակէր, հակառակ է քննութիւնդ Կայսերական հրամանին . և այնու բարկութեամբ եւ և գնաց 'ի տաճարէ անտի իւրովքն հանդերձ և մնացին անդ Գործակալքն, Քաղաքապետն, Նախիպն և Միւֆթին, և որքան կարելի էր հարեւանցի իմն քննեցին և տեսին, զի տեղիքն Հայոց, որպէս էին խորանքն և կանթեղքն մեծաւ մասամբ անկեալ էին 'ի ձեռս Յունաց . և իբր թէ աւարտեալ զգործն մեկնեցան և նոքա : Եւ յայտնի եղեւ ատելութիւնն որ 'ի մէջ Դատաւորին և գործակալաց . զի Մուվելլայն և Ոստիկան Կուսակալին գուն գործէին կատարել զհրաման Արքային և Դատաւորն ընդգլխացեալ կազէր ընդ նոսա . Սօճաքեանն և Քաղաքապետն արտաքուստ զհրաման Արքայի կատարել ձեւանային, այլ 'ի ներքուստ ընդ Դատաւորին էին : Հայք զիւրաքանչիւրսն ողբէին առանձին սիրով աւարտել զգործն, այլ նոքա մրմուռեալ ոգորէին ընդ միմեանս . ապա աղաչեցին զնուրի Էֆէնտի թախանձանօք խոնարհիլ 'ի հաշտութիւն, զնալ առ Դատաւորն եւ քաղցրութեամբ ցածուցանել զբարկութիւնն նորին, որ եւ արար իսկ :

Եւ նորա զիջեալ 'ի կամս նորա 'ի վերին երեսս՝ գումարեաց ժողով մեծ 'ի Ս . Յարութիւն ('ի 29 Մայիսի) :